

Оддий инсонларга эътиборли бўл!



19:00 / 03.03.2021 2243

Сизнинг ҳузурингизга Увайс ибн Омир келади

Умар ибн Хаттоб розияллоҳу анҳу халифалик даврларида Ямандан кишилар ҳаж қилгани келишса улардан: «Ичингизда Увайс ибн Омир борми?», дея сўрар эдилар. Улар: «Йўқ» дейишар эди. Кунлар ўтиб Яман аҳлидан бир қанча кишилар яна ҳаж қилгани келишди. Одатларига кўра Умар розияллоҳу анҳу сўрадилар:

-Орангизда Увайс ибн Омир борми?

Улар:

-Мана бу Увайс ибн Омир дейишди.

Умар ибн Хаттоб розияллоҳу анҳу ундан сўрадилар:

-Сен Увайс ибн Омирмисан?

Увайс:

-Ҳа, деди.

-Сен Муроддан, сўнгра Қаронданмисан?

-Ҳа.

-Сен олдин пес касаллиги билан оғриб, сўнгра ундан тузалиб, фақатгина бир дирҳам миқдорида қолганми?

-Ха.

-Сенинг онанг бору, сен унга яхшилик қиласанми?

-Ха.

-Мен Расулуллоҳ соллаллоҳу алайҳи васалламдан эшитган эдим. У зот шундай деган эдилар: «Сизнинг ҳузурингизга Яман аҳли билан бирга Увайс ибн Омир келади. У Муроддан, сўнгра Қарондандир. Унда пес касаллиги бор эди. Ундан тузалиб фақатгина бир дирҳам миқдорида қолган. Унинг онаси бор. У онасига яхшилик қиласи. Агар у Аллоҳга қасам ичса Аллоҳ уни бажо қиласи. Агар ундан сенга истиғфор айтишини сўрай билсанг ундан истиғфор айтишини сўра».

Мен учун истиғфор айт!

Бас, у Умар розияллоҳу анҳу учун истиғфор айтди.

Умар розияллоҳу анҳу унга:

-Қаерга боришни истайсан, дедилар.

У:

-Куфага, деди.

Умар розияллоҳу анҳу:

-У ернинг омилига мактуб ёзиб берайми, дедилар.

Увайс:

-Заифҳол ва оддий инсонлар ичида бўлишим ва мени одамлар танимаслиги мен учун маҳбуброқдир, деди.

Қачон оддий инсонлар билан сухбат қиласангиз бу қиссани эсланг. Эҳтимол уларнинг ичида ҳеч ким танимайдиган Увайслар бордир. Дуоси ижобат бўлар!

Қаердан биласиз, эҳтимол сиз эътибор бермасдан ўтиб кетадиган шаҳар ободонлиги учун меҳнат қилиб юрганлар ичида шунақалар бордир. Сиз таниган машҳурлар унга ета олишмас?!

Қаердан биласиз, әхтимол сиз олдиdan тез ўтиб кетадиган арзимас нарсалар сотиб ўтирган киши ёки bemор кечалари ўқийдиган намозлари билан сиздан афзалдир. Унинг сизга махфий ибодатлари бордир. Amмо Аллоҳга махфий эмас?!

Қаердан биласиз, әхтимол сиз назарингизга илмаган ҳайдовчи жаннатдан ўзига жой ҳозирлаб қўйгандир. Унинг акасидан етим болалар қолгандир. У Аллоҳ учун машина ҳайдаб уларни боқиб тарбия қилаётгандир. Эхтимол у эрталаб ва кечқурун юраги тубидан Аллоҳ учун тиловат қилар, барча инсониятга яхшилик соғинар?!

Шифокорлар, муҳандислар, амалдорлар, машҳурлар ичida Аллоҳнинг дўстлари бўлиши ман қилинмаган. Amмо бу ерда яшириниб ётган фикр инсонларга эътиборсиз бўлмаслигимиз, ташқи кўринишга алданмаслигимиздир. Умар ибн Хаттоб розияллоҳу анҳудек зот ҳар куни Увайсни суриштирап эдилар. Зеро унинг хабарини Расулуллоҳ соллаллоҳу алайҳи васаллам берган эдилар.

Ҳар куни олдиdan эътиборсиз ўтиб кетаётганинг оддий инсонларга эътиборли бўл. Инсонлар қадрини ўлчайдиган асбобингни ўзгартир!

Абдулқодир Полвонов